


A *rubá***A** *ntaño*

E cas di Ma Nani



Dilanti di Misa San Francisco na Playa ainda ta para ey nan e cas di Ma Nani pa recorda nos e tempo di antaño na Aruba. E tempo di school tanto di fraternan como di e scourman cu tabata percura pa hopi di nos enseñanza nan escolar. Mas di un recuerdo e cas aki tin pa nos den e tempo di antaño. E kakinja di Ma Nani, y awe cu tur e borchinan di trafico cu tin dobla manera kakinja ta refresca nos memoria riba e dushi kakinja di Ma Nani. Fuera di esey, e cas di Ma Nani, cu veld di bala, unda awendia nos tin e Juan Enrique Irausquin plein, e atraccion di tur diadomingo atardi, gozando di e partidonan di futbol, cu clubnan di tur tempo, manera Vitesse, Holandia, Aruba Jrs., RCA y e otro nan cual na es momento aki no ta den nos memoria. Un atraccion y diversion sano di e tempo di antaño riba e dushi suelo di nos Aruba.

Banda di e cas di Ma Nani, tambe tabatin un cas di torto, unda cu na su banda a ser descubri un fuente di awa dushi y cu pa falta di equipo nos fraternan no por a sigi cu nan descubrimiento valioso pa nos pueblo di e tempo ey. Otro conocimiento cu a sali for di e descubrimiento aki ta cu nos isla di un forma of otro ta mará of pegá, cu un di paísnan bisiña. Nos isla no ta un isla oceánico manera e dos islanan ruman cu ta Corsow y Bonaire.